

## **2. KANUKOKA-p allattoqarfiani suliaasartunik takussutissaq**

Pisortaq, siunnersortit qulit, allaffimmi pisortaq aamma allatsi – katillugit sulisut 13-it – fagitigut suliaasaqarfinnik assigiinngiaartunik isumaginnittuupput, imatut siunnersortit nalinginnaasumik suliaasaqarfimmik pingaarnermik ataatsimik ingerlataqartarlutik, suliaasaqarfinnilu ataasiakkaani allani, assersuutigalugu akissarsianut sulisullu atugassarisaannut tunngasuni kiisalu pikkorissartitsisarnerni seminaareqartitsisarnernilu sulisuusut arlaqartut suleqatigiiffigisaannik ingerlatsisoqartarluni.

### **Akissarsiat, sulisorisat aamma HR-imi suliat**

- Akissarsianut aamma sulisoqarnermut politikkimik ataqatigiissaarineq, tamatumani aamma kommunit fagitigut siunnersuisarneq, akissarsianut sulisullu atugaannut faginut tunngasunik sulisorisanut pikkorissaanerit kiisalu aamma akissarsiaqartitsinerit sulisullu atugaannut tunngasuni periaatsit pillugit siunnersuisarnerit.
- Pisortani isumaqatigiissutissanut tunngasunik isumaqatigiinniarnert, piumasaqaataasussanik katersereernerit kingorna ingerlanneqartartut, ataqatigiissaarineq aamma kommunit isumaqatigiinniarnernut piumasaqaatissaannik oqaasertalersuinerit, kiisalu isumaqatigiinniarnerni pisinnaatitsissutissanut killiliussassanik inassuteqaasiorneq.
- Isumaqatigiinniartarnernut aamma isumaqatigiissuteqartarnernut ataatsimiititaliami aalajangersimasumik peqataaneq kiisalu aamma Lønningrådimi aalajangersimasumik peqataaneq.
- Klassificeringimut atatillugu isumaqatigiinniarnert aamma siunnersuineq.
- Atorfinititsisarnernut, tapisiassanut il.il. atatillugu sulianik isumaqatigiinniuteqarneq aamma siunnersuineq.
- Sulisunut suliani allaffissornikkut ingerlatsinerimik siunnersuineq.
- Kommunit faggruppimut tunngatillugu akissarsianut sulisullu atugaannut tunngasuni paasissutissisarneq, tamatumani aamma internetimi akissarsianut sulisullu atugaannut quppernertik isumaginnittuuneq ineriartortitsinerlu.
- Isumaqatigiinniartarnernut immikkoortortaqarfik suleqatigalugu isumaqatigiissutinik assigiinngitsunik ingerlaavartumik paasiuminarsaaneq pisariillisaanerlu.
- Kommunit SIK-p isumaqatigiissutaanut atatillugu siunnersorneqarnerat (Isumaqatigiissutit 17-it).
- SIK-p qaammarsaanermut Ilinniartitaanermullu aningaasaateqarfiata siulersuisuini kiisalu sulinngiffeqarnernut aningaasaateqarfiata siulersuisuini aalajangersimasumik ilaasortaaneq.
- Niuernermik Ilinniarfiup siulersuisuini ilaasortaaneq.

### **Pikkorissaanerit aamma seminareqartitsinerit**

- Kommunit ataatsimiitinneqartarnerinik pikkorissaasarnernillu pilersaarusiortarneq, tamatumani aamma pikkorissarfissanik / ataatsimiiffissanik inniminnisarnerit, saqqummiissusanut attaveqartarnerit, billitsinik ineqarfissanillu inniminnisarnerit, kiisalu ataatsimiinnerni pikkorissaanernilu atortussanik suliaqartarnerit.
- Kommunit pikkorissaasarnernut ilinniaqqittarnernullu tunngasutigut siunnersorneqartarnerat.
- Ataatsimiinnerni seminareqartitsinernilu annertuuni ikiorsisarnerit.

- Atuartitsisuusarneq, pikkorissaanernilu sammineqartartunik ineriartortitsineq naleqqussaanerlu kommunit aamma Namminersorlutik Oqartussat suleqatigalugit.
- Pikkorissaasarnerni modulip atorreqartartup Plan2Learn-ip ineriartortinneqarnera aserfallatsaalineralu.

### **Digitaliseriineq aamma IT**

- Pisortat ataatsimoorussamik IT-mik aqqissuussineranni aqutsisoqatigiinni peqataaneq (FOIS) aamma siunnersuineq.
- Aqutsisoqatigiinni ilaasortaaneq aamma kommuninut sammisumik ataqatigiissaarineq paasissutissanut tunngaviusunut atatillugu, tamatumani CPR-imik, CVR / GER-imik nutarterineq, aamma inunntut tunngasumik paasissutissanut inatsisiliornermi tunngaviusunik paasissutissat.
- Qarasaasiatigut allakkanut suliaq aamma video atorlugu attaveqaqatigiinneq (Microsoft Lync).
- Kommunit kissaataannik pisariaqartitsinerannillu ataqatigiissaarineq nunatsinni digitaliseeriinermi anguniakkat 2014-2017 nalilersorneqarnerannut suliniutillu piviusungortikkiartoreranni allaaserineqarnerannut atatillugu.
- Ataqatigiissaarineq aamma allattoqarfik, kommunit suliniummi ERP-mi ”Pisariillisaaneq” peqataaneranni (immikkoortumi pisiniarfiusumi).
- Allakkanik isaasunik nalunaarsuiffeqarnerup aamma toqqorsiveqarnermik (arkiv) ineriartortitsineq aamma atortuulersitsineq, tamatumani aamma atuisunik pingaarnernik ilinniartitsineq kiisalu atuisunik pikkorissaaneq.
- Digitaliseeriinermi Aqutsisoqarfik suleqatigalugu suleriaatsinik ilusilersuineq sulianullu toqqorsiviliorneq, digitaliusumik imminut sullinnerup suli annertusarneqarnissaani.
- Ataqatigiissaarineq, atortuulersitsineq kiisalu periusissanik ineriartortitsineq pisortat ataatsimoorussamik ingerlatsivianni Sullissivimmi.
- Kommunini pilersaarummut digitaliusumut atatillugu siunnersuineq (ODEUM).
- Aningaasaqarnikkut ingerlatsinermi atortorissaarummut Winformatikkimut atatillugu siunnersuineq.
- Allakkanut isaasunut nalunaarsuinermi aqqissuussinerup (journalplan) malinnaatinneqarnera.
- Kommunini IT-mik ingerlatsinermut aamma IT-mi isumannaallisaaanermut atasumik siunnersuineq.
- Kommunit suleqatigalugit ataatsimut siunnersuineq, ataqatigiissaarineq aamma periusissamik ineriartortitsineq IT-mik aqqissuussineranut atatillugu.

### **Inatsisinut tunngasuni siunnersuineq**

- IT-mi inatsisinut tunngasumik siunnersuineq.
- Fagitigut suliani aalajangersimasuni inatsisilerinikkut siunnersuinerit aammalu tusarniaassutaasunut akissusiornerit, inatsisissatut, nalunaarusiassatut il.il. siunnersuusianut Namminersorlutik Oqartussaniit suliaasunut assigiinngitsunut atatillugu. Tamatumani aamma ilaallutik siulersuisunut ilisimatitsissutissanik allakkiornerit.
- Inatsisilerinikkut siunnersuinerit kommunini pisortaasunut aamma sulianik ingerlatsisuusunut, sulianut aalajangersimasunut atatillugu, tamatumani aamma aqutsinermut inatsisip, pisortat ingerlatsineranni suliassat suliarineqartarnerat pillugu inatsimmi qanoq paasineqarnissaannik nassuiaasiornerit, kiisalu inatsisit immikkut ittut

assigiinngitsut nalunaarutillu qanoq paasineqarnissaannik nassuiaasiornerit suliassaqarfinnut assigiinngitsunut atatillugu.

- Namminersorlutik Oqartussat peqatigalugit suleqatigiissitani assigiinngitsuni sulinerit, tamatumani aamma inatsisiliornissanut piareersaataasunik Namminersorlutik Oqartussat peqatigalugit sulineq, kiisalu ”Namminersorlutik Oqartussat aamma kommunit akornanni suleqatigiinnermut isumaqatigiisummut nassuiaasiorneq”. Eqqaaneqartumi kingullermi ilaatigut suleqatigiinni peqataaneq pineqarpoq, Namminersorlutik Oqartussaniit, kommuniniit aamma KANUKOKA-miit peqataasut nutaamik inatsisiliornissanut atasumik pisariaqartitsinermik sunaassusilersuissammata, kingornatigut naalakkersuinikkut tulleriiaarinerimi atorpeqarsinnaasunik, kiisalu naalakkersuinikkut tulleriiaareernerimi inatsisiliassat naleqqussarneqartarneri.

### **Allattoqarfik aamma paasissutissiisarneq**

- Siulersuisunik sullissineq siulersuisut ataatsimiinnissaannut piareersaatini aamma seminareqartitsinerni (ataatsimiinnerni atorussanik katitserilluni piareersaaneq ataatsimeereer-nernilu malitseqartitsinissanik isumaginnineq, imaqarniliatigut, nalunaarusiorneritigut avammullu oqaaseqaasiorneritigut).
- Kommunini pisortanut sapaatip akunnikkaartumik KANUKOKA-p nutaarsiassatut allagaa-taanik suliqartarneq.
- Paasissutissiinerit assigiinngitsut, [www.kanukoka.gl](http://www.kanukoka.gl) atorlugu, kattuffiup inuiaqatigiinnut paasissutissiisarnerinut allagarsiivittut, aamma saaffigisassanut ikinnerusunut politikikkut allaffissornikkullu kommunini oqartussaasunut nutaarsiassanik allakkiortarneq.

### **Isumaginninnermut peqqissutsimullu suliassaqarfii**

- Qulaajaanerni assigiinngitsuni peqataanerit kiisalu nalilersuinerit, tamatumani aamma aqqissuusseqqinnermik nalilersuineq.
- Ukiumoortumik isumaginninnerup iluani ataatsimeeqatigiittarneq, kommunini isumaginnin-nermut ataatsimiititaliat siulittaasuisa aamma isumaginninnermut pisortat peqataaffigisarta-gaat. Ataatsimeeqatigiinnermi sammisassat kommunini pisariaqartitsineq tunngavigalugu aalajangersarneqartarput. Ataatsimeeqatigiinnerit – Conference – kommunit aamma KANUKOKA-p imminnut qaninnerusumik suleqatigiinnissaat siunnerfigalugu ingerlanne-qartarput, innarluutilinnut tunngasumik suliat aamma meeqqanut inuusuttuaqqanullu tunngasumik suliat il.il. malittarineqarnerannut atatillugu.
- Oqarasuaatikkut ataatsimiinnerit: Qaammatikkaartumik isumaginninnermi pisortat oqarasuaatikkut ataatsimeeqatigiittarnerinik ataqatigiissaarineq piareersaanerlu, kommunini isumaginninnermi ataatsimiititaliat siulittaasuisa aamma KANUKOKA-p siulittaasuaata qaammatit pingasukkaarlugit peqataaffigisartagaat. Oqarasuaatikkut ataatsimeeqatigiittar-nerit kommunini isumaginninnerup iluani unammilligassat ataatsimoorullugit oqallisigineqartarnerannik siunertaqarput, imaluunniit suliani kommunit ataatsimut kommuninut iluaqutaasussanik isummersoqatigiinnissaannik aamma siunertaqartarlutik, aamma Namminersorlutik Oqartussani suliniutaasut pillugit paasissutissiivittut il.il.
- Isumaginninnerup peqqinnissaqarfiullu iluani inatsisiliornikkut sulianut tunngasumik tusarniaassutaasunut piareersaatit suliani isumasioqatigiiffittut.
- Suleqatigiinni aqutsisuusuni, suliniutinik ingerlatsisuusuni peqataaneq. Peqataanikkut isumannaarniarneqartarpoq suliniutini sammeneqartuni kommunit soqutigisaasa pitsaanerpaamik isumagineqarnissaat. Tamakkua tassaasinnaapput suliniutit innarluutilinnut

tunngasut, meeqqanut inuusuttuaqqanullu tunngasut, atornerluisunik katsorsaasarnermut tunngasumik sulineq, utoqqarnut tunngasumik suliat il.il.

- Tunillaassuuttumik nappaalanerit pillugit ataatsimiititaliarsuarmi aamma pinerluuteqarsimasunik isumaginninnermut ataatsimiititaliami peqataanerit.
- Siunnersuinerit ilitersuinerillu: Kommunini akisussaasut qulliunerusut aamma sulianik ingerlatsisuusut siunnersortit attavigisarpaat, tigussaasunik siunnersorneqarnissamik ilitersorneqarnissamillu pisariaqartitsinertigut, pisortanit ikiorsiissutit, inissiisarnerit, innarluutilinnik isumaginninneq il.il. eqqarsaatigalugit.

## **Teknikki, avatangiisit aamma aatsitassat ikummatissallu**

- Upalungaarsimanissamut ataatsimiititaliarsuarmi peqataaneq.
- Qatserisartunngorniarluni ilinniartitaanerit fagudvalgiimi peqataaneq.
- Ukiumut sisamariarluni upalungaarsimanissamut pisortaasut ataatsimeeqatigiittarneranni ataqatigiissaarisuuneq, siunnersortaaneq kiisalu allattoqarfiuneq.
- Pisortat assigiinngitsut akimorlugit upalungaarsimanissamut pisortaasunik ilinniartitsinerni ataqatigiissaarisuuneq peqataanerlu, Arktisk Kommando-p inuiaqatigiinnut ikiorsiissutai assigiinngitsut, Arktisk Kommando-p nammineq piuumassutsimik upalungaarsimanissamut piareersimasuusarnermut suliniutai kiisalu upalungaarsimanerit atatillugu attaveqatigiinneq pillugu nalunaarusiortanerit.
- Ukiumoortumik kommunini teknikkimik suliaqartut pilersaarusiorneq pillugu ataatsimeeqatigiittarnerat.
- Kommunini aamma Namminersorlutik Oqartussani pilersaarusiornermik suliaqartut qaammatikkaartumik ataatsimeeqatigiittarnerini allattoqarfiuneq aqqissuussisuunerlu.
- Allattoqarfiuneq aamma aqqissuussisuuneq ukiumut sisamariarluni fagitigut sulianut tunngasumik ataatsimeeqatigiittarnerini kommunini pilersaarutaasut digitaliusumik isumagineqarneranni ineriartortitsiviusoq aserfallatsaaliviusorlu.
- Pilersaarusiornermut inatsisinullu tunngasuni siunnersuineq.
- Aatsitassanut Ikummatissanullu suleqatigiissitami qaammatikkaartumik ataatsimeeqatigiittarnerit allattoqarfiunerlu, ilaatigut tusarniaanerit, nutaamik aatsitassarsiornissanut qinnuteqaatit akuersissutinillu atuuttooreersunik sivitsuinissanut akuersissutissanut qinnuteqaatit, suliniutissanut tunngasunik qinnuteqaatit, VVM-imik nalilersuinerit (avatangiisinut sunniutaasussanik nalilersuinerit) aamma VSB-mut qinnuteqaatit (inuiaqatigiinni atajuaannarsinnaasumik ingerlatsisinnaanermik nalilersuineq), tusarniaassutigineqarneri, piiaanissamut akuersissutit kiisalu inatsisit atuuttut oqallisigineqartarput.
- Uumasuuteqarneq aamma uumasut nakorsaasut: Allattoqarfiup ukiumut arfinileriarluni ataatsimiititsisarnerit kiisalu pisariaqarnera tunngavigalugu aamma ataatsimiititsisarnerit aqqissuuttarpari kommunini ”qimminut aamma qitsunnut” sulisuusut peqatigalugit. Siunnersuinerit ikiorsiisarnerillu Namminersorlutik Oqartussat kommunillu attaveqatigiinnerannut atatillugu. Nersutit nakorsaasa suliaqarfiini tusarniaanernut allattoqarfiuneq ataqatigiissaarisuunerlu, tamatumani aamma nersutaateqarneq, inuusutissanut tunngasunik tusarniaanerit (avammut niuerneq aamma eqqussuineq).
- Sanaartornermut tunngasuni inatsisiliornerit, nassuiaasianut il.il. allattoqarfiuneq ataqatigiissaarisuunerlu.
- Meeqqat atuarfiannut aamma atualernissaq sioqqullugu ingerlatani sanaartorerup ataatsimut kommunit tiguneqarnissaanut suliniutini peqataaneq ataqatigiissaarinerlu.

- Sanaartorfissagissaanernut tunngasuni siunnersuineq aamma allattoqarfiuneq, tamatumani aamma Namminersorlutik Oqartussat sanaartorfissagissaanissanut kommuninut aningaasaliissutaat kiisalu Nukissiorfiit aningaasaliissutinik kommuninut ingerlatitsisarnerat.
- Siunnersuineq aamma ikiorsiisarneq sanaartugassanut ataatsimut atatillugu, kommunini suliani kiisalu kommunit aamma Namminersorlutik Oqartussat akornanni suliani ingerlasuni.
- Ataqatigiissaarineq aamma allattoqarfiuneq nuna tamakkerlugu eqqagassalerinermut pilersaarutip kommunini suliarineqarnerani, tamatumani aamma anartarfinnit eqqagassalerinermi eqqaavissuallerinermilu ilassutitut aningaasaliissutinut tunngasumik suliat, kiisalu eqqagassalerinermut atatillugu ilitersuusiorneq maleruagassiornerlu.
- Ataqatigiissaarineq aamma allattoqarfiuneq eqqagassalerinerup ineriartortinneqarnerani, eqqagassat ulorianaatillit eqqarsaatigalugit, tamatumani aamma MOKANA-mut attaveqarneq (Danmark-imi ataatsimoorussamik eqqagassalerinermut ingerlatseqatigiiffik), aamma ingerlatsisunut allanut attaveqarneq (Royal Arctic Line il.il.).

### **Aningaasaqarneq, inuussutissarsiorneq aamma suliffeqarneq**

- Kommunini suliffissaaleqinerup akiorneqarnerani ataqatigiissaarineq aamma allattoqarfiuneq.
- Suliffissaaleqinerup akiorneqarnerani aqutsisoqatigiinni suleqatigiinnilu peqataaneq.
- Piareersarfiit kommunini ingerlanneqarneranni ataqatigiissaarineq allattoqarfiunerlu.
- Kommunini pikkorissaanerni piginnaangorsaaqqinnerni il.il. pisariaqartitsinerup kissaataasullu sulissutigineqarneranni siunnersuineq ikiorsiisarnerlu.
- Inuusuttuaqqat ilinniartitaanikkut kommunini suliniuteqarfigineqarneranni siunnersuineq ataqatigiissaarinerlu.
- Ukiumoortumik ataatsimoortumik tapiissutissat isumaqatigiinniutigineqarnissaannut paasisutissanik atorneqartussanik katersineq.
- Aningaasartuutissanut missingersuusiornermi ukiup ingerlanerani pisussat ukiup assakaasuata piareersaasiorneqartarneranni peqataaneq.
- Aningaasartuutissanut missingersuusiornermut ilitersuummik suliaqartarneq.
- Kisitsisinik pingaarnernik missingersuusiornermi atorneqartussanik suliaqartarneq.
- Kommunini aningaasaqarnermut ingerlatsivinni sulisuusunik kifartuussineq.
- Pisortat ingerlatsinerannik aaqqissuussineqqinnermik nalilersuineq.
- Ulloq unnuarlu angerlarsimaffinni akigitinneqartunut isumaqatigiissusiortarneq.
- Suliniut ERP ”Pisariillisaaneq”, kommunini aaqqissuussaannerup allaaseralugu titartarnerani kontoplanimillu suliaqarnermi aqutsisuuneq.
- Kommunit naatsorsuutaasa internetimi quppernerna saqqummiunnissaannut piareersaasiorneqartarnerat.
- Tusarniaanerit assigiinngitsut kommunit aningaasaqarnerannut sunniuteqarsinnaasut sunniuteqartartulluunniit.
- Piniarnermut aamma aalisarnermut tunngasutigut tusarniaassutaasut ataqatigiissaarneqartarnerat.

## Meeqqat atuarfiat aamma atuartitsineq

- Meeqqat atuarfiata nalilersuiffigineqarnera tunuliaqutaralugu kommunit suleqatigalugit suliniutissanik piviusunnngortitsineq, tamatumani aamma atuartut ilikkagaqarsinnaassusiata naammassisaqartarnerisalu pitsaanerulersinneqarnissaat siunertaralugu suliniuteqarneq.
- Nunarput tamakkerlugu meeqqat atuarfianni ilinniartitsisunik ilinniarsimasunik sulisussa-qarnerup pitsaanerulersinniarnanarnerit suleqatigiinnermi peqataaneq ataqatigiissaarinerlu.
- Kommunit, Namminersorlutik Oqartussat aamma IMAK suleqatigalugit ilinniartitsisunik danskiusunik atorfinitsinneqartartunik pikkorissaasarnerni peqataaneq.
- Atuarfinni pisortaasut pikkorissartinneqartarnerisa ingerlanneqartarneri taakkuninngalu ataqatigiissaarineq, kommunit, Inerisaavik aamma IMAK suleqatigalugit.
- Kommunit suleqatigalugit najukkani ataasiakkaani atuarfinni siulersuisunik pikkorissar-titsisarnerit.
- Meeqqat atuarfiat pillugu kommuninik siunnersuisarneq, atorfinitsisarneq, inatsisunik atortitsineq il.il.
- Kommunit suleqatigalugit allaffissornikkut atortorissaatip Tabulex-ip ineriartortinneqarnera atortinneqarneralu.
- Siunnersuisarnermi programmi ”uanga siunissara” pikkorissaanertigut atortuulersikkiartu-aarlugu suliamik ingerlatsineq ataqatigiissaarinerlu, meeqqat atuarfianni atuartut angajullit siunnersorneqartarnerannut naatsorsuussaasoq.
- IMAK-imut isumaqatigiinniartarnerit, tamatumani aamma ataqatigiissaarineq sulisitsisullu isumaqatigiinniarnernut piumasagaatissaannik suliaqartarneq.
- Meeqqat atuarfianni Piareersarfimmilu akissaasersuinermit atorfeqarnermilu atugassarititaasunut tunngatillugu kommuninik siunnersuisarneq.
- Ingerlaavartumik meeqqat atuarfianni pissutsit pillugit IMAK-imik kommunit sinnerlugit oqaloqateqartarneq, kiisalu kommunini ajornartorsiutit immikkut ittut ataasiakkaallu aamma pillugit oqaloqateqartarneq.
- Piareersarfiit ingerlanneqarnerannut atatillugu isumaqatigiissutaasussanik ataqatigiissaarineq kommunini kissaataasut tunngavigalugit ingerlanneqartartoq. Kommuninik siunnersuisarneq Piareersarfinni sulisuusut piffissaq suliffigisassaata sulinerminnilu atugassarisassaata pillugit, tamatumani aamma akissarsiat atorfininnermilu atugassarititaasut pillugit.
- Kommunit PPR-imik tiguseranni peqataaneq ataqatigiissaarinerlu (tarnip pissusnaanut – perorsaanerimullu tunngasutigut siunnersuisarfik aamma VSP (immikkut ittumik atuartitsineq ingerlaqqiffiusoq).
- Inatsisiliornermi suliat: Kommunit suleqatigalugit inatsisinut allannguutissatut piumasagaataasussanik immikkuualuttortaanillu ataqatigiissaarineq suliaqarnerlu, meeqqat atuarfiannut aamma meeqqanut inuusuttuaqqanullu tunngasumik suliassaqarfinni. Meeqqanut inuusuttuaqqanullu, ilinniartitaanermi kiisalu meeqqat atuarfianni suliniutinut kommunit peqataanerannik ataqatigiissaarineq.
- Meeqquerivitsialak pillugu suliniutini ataqatigiissaarineq peqataanerlu kommunit aamma Inerisaavimmi sulisuusut suleqatigalugit ingerlanneqartumi (Meeqqat atuarfiat sioqqullugu perorsaanikkut ineriartortitsiviusumik iliuusissatut neqeroorutinut inatsit).
- Perorsaasutut sulisuusunik ineriartortitsinermi kiisalu pikkorissaasarnerni kommunit kissaataannik ataqatigiissaarineq.